

泉志

四之十

		漢書門	
三	二	二	二
冊	函	架	號
三	二	二	二
冊	函	架	號

庫文閣内		漢書	
三	二	二	二
函	三	架	號
一	二	二	二
九	九	架	號

内閣文庫	
番號	漢 2659
冊數	3 (2)
函號	306 237



A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak



泉志卷之四




宋洪遵撰

明徐象梅校并圖篆

淺草文庫

偽品上



右項梁錢 楚漢春秋曰項梁陰養死士九十人 叅木者所欲計謀也木律疾於室中鑄大錢也

泉志卷之四




右吳主濞錢 前漢吳王濞傳曰吳有豫章郡
銅山即招致天下亡命者盜鑄錢 西京雜記
曰吳有銅山鑄錢錢微重文字肉好與漢錢不
異 余按漢文帝時更鑄錢其文為半兩吳鄧
錢文字與漢錢同則錢之半兩也



與字





右鄧通錢 前漢鄧通傳曰文帝賜通蜀嚴道
銅山得自鑄錢鄧氏錢布天下景帝立人有告
通盜出徼外鑄錢 西京雜記曰文帝賜鄧通
蜀銅山聽自鑄錢文字肉好皆與天子錢同故
富侔人主



右太錢

漢書食貨志曰王莽居攝變漢制更


造大錢徑寸二分重十三銖文曰大錢五十
荀悅漢紀曰居攝二年夏四月更造大錢一直
五十與五銖並行 敦素曰按今所見模狀不
同字體各異小者不及二銖又有面文重外高
內下精妙可觀殊不知莽之所鑄復是後人倣
倣何不相同也如此 張台曰此錢亦有數種
有對文者有穿上一星者有泉字諸畫並方者



右小錢五等 前漢食貨志曰王莽作錢布之
品名曰寶貨小錢徑六分重一銖文曰小錢直
一次七分三銖曰么錢顏師古曰么小也次八分
五銖曰幼錢二十次九分七銖曰中錢三十次
一寸九銖曰壯錢四十次因前太錢五十是為錢
貨六品直各如其文文質周郭倣漢五銖錢百
姓憤亂其貨不行民私以五銖錢市買莽患之


下詔有敢挾者為惑眾投諸四裔以御魍魅於
是農商失業食貨俱廢民涕泣于市道抵罪者
不可稱數莽知民愁廼但行小錢直一與大錢
五十二品並行龜貝布屬且寢 荀悅漢紀曰
王莽建國元年春更作小錢徑六分文曰小錢
與大錢一直五十者為二品並行 封氏公錢
別種文曰直十 張合曰常見壯錢薄于開元
錢 李孝美曰按莽大小錢文無錢字而皆曰
泉與食貨志所載不同韋昭所謂古曰泉而後

轉之為錢者豈非是耶



右貨泉錢 前漢書食貨志曰王莽天鳳元年
罷大小錢改作貨泉徑一寸重五銖文右曰貨
左曰泉枚直一又以大錢行又恐民挾不止廼
令且行大錢與新貨泉俱枚直一並行盡六年
毋得挾大錢矣 宋書符瑞志曰莽忌漢而錢

文有金乃鑄貨泉以易之既而光武起于春陵
之白水鄉貨泉之文為白水真人也 張台曰
此錢今世所見有徑寸四分重二十四銖者有
徑六分重二銖者有玉筋篆者有傳形者有肉
郭重文者穿面四角决文穿背四角决文穿上
一星穿下一星闊緣細緣不少于五銖 李孝
美曰此錢今世多見之有徑寸五分至四分者
凡十餘品而好郭或有或無或作重文種種不




右鐵錢 後漢書公孫述傳曰述廢銅錢置鐵
官以鑄錢 舊譜曰文字輕重大小未聞



右小錢 後漢書獻帝紀曰初平元年董卓壞
五銖錢更鑄小錢 董卓傳曰卓壞五銖錢更
鑄小錢悉取洛陽及長安銅大鍾虜飛廉銅馬

之屬以充鑄又錢無輪郭文章不便人用魏志曰董卓悉推破銅人鍾虡及壞五銖錢更鑄為小錢大五分無文章肉好無輪郭不磨鑄于是貨輕物貴穀一斛至數十萬自後錢貨不行




右五銖錢袁宏後漢紀曰初平元年六月董卓壞洛陽城中鍾虡鑄以為錢錢不成文更鑄五銖錢文章城郭不可把持于是貨輕物貴穀

一斛至數百萬余按後漢書魏志張璠後漢紀英雄記皆載卓鑄小錢獨袁有五銖之說未詳



右沈郎錢晉書食貨志曰吳興沈充又鑄小錢謂之沈郎錢舊譜曰或言小于五銖文字輕重未聞李孝美曰按此錢雖未之見而李賀集有殘絲曲云榆莢相催不知數沈郎青錢夾城路竊謂自古詩人比興其則不遠得非此

錢大小與漢興所鑄如榆莢者不多較耶




右五銖錢晉書張軌傳曰太府參軍索輔言
古以金貝皮幣為貨息殺帛量度之耗二漢制
五銖錢通易不滯太始中河西荒廢遂不用錢
裂匹以為段數縑布既壞市易又難徒壞女工
不在衣用弊之甚也今中州雖亂此方安全宜
復用五銖以濟通變之會軌納之立制準布用

錢錢遂大行人賴其利




右河陽錢 丘悅三國典略曰王則除洛州刺
史舊太原佛像毀以鑄錢世號河陽錢



右得壹錢 唐書食貨志曰史思明據東都鑄

得壹元寶錢徑寸四分以一當開元通寶之百
舊譜曰得壹錢徑寸三分重十二銖 余按
此錢重十二銖六參





右順天錢 唐書食貨志曰史思明惡得壹非
長父之兆改其文曰順天元寶 舊譜曰順天
錢徑寸五分重十五銖 張台曰得壹順天錢

思明並銷洛陽佛銅所鑄賊平之後無所用焉
刀兵之家還將鑄佛今所餘伊洛間甚多 李
孝美曰二錢大小如一但順天重而得一輕耳
余按此錢重十三銖二參



右永通錢 五代史南唐世家曰李景困于用
兵鍾謨請鑄大錢以一當十文曰永通泉貨




余按此錢有三品字八分書者徑寸五分重八
銖七參背向肉好皆有周郭篆文者徑寸三分
重五銖七參輪郭重厚銅色昏暗又有向為篆
文背為龍鳳形者此錢見奇品計皆李氏所鑄李孝
美獨載八分書者遺此一種豈未之見耶



右開元錢五代史南唐世家曰鍾謨嘗得罪
而大錢廢韓熙載又鑄鐵錢以一當二煜嗣立

乾德二年始用鐵錢民間多藏匿舊錢舊錢益
少商賈多以十鐵錢易一銅錢出境官不可禁
煜下令以一當十錢若水曰李氏據有江東
之地國用窘乏建隆四年其大臣韓熙載請鑄
錢每十錢即以鐵錢六權銅錢四而行至乾德
開寶中途不用銅錢民間但以鐵錢貨易至末
年銅錢一直鐵錢十及李煜歸朝鐵錢益無用
陶岳貨志錄曰元宗時兵屢挫帑藏虛竭韓
熙載上疏請以鐵為錢其錢之大小一如開元


通寶文亦如之徐鉉篆其文比于舊錢稍大而輪郭深闊既而是錢大行公私以為便余按此錢史氏但云鐵錢不載其文岳國初人耳目所稔其言當不妄也



右唐國錢 十國紀年唐史曰元宗以周師南

伐及割地歲貢方物府藏空竭錢貨益少遂鑄唐國通寶錢一當開元錢一馬令南唐書曰烈祖且殂謂元宗曰德昌官布億萬緡以給軍用吾死善修鄰好北方有事不可失也及元宗即位兵屢起德昌泉布既竭遂鑄唐國錢其文曰唐國通寶余按此五錢制度大小各殊有徑九分重三銖者有徑七分重二銖二參者字文並類大唐錢有徑寸二分重八銖與徑九分重三銖者形製相肖文皆篆字有種八分重二

銖六參者字含八分及隸體背文有圓點于五錢中最少又有小唐國鐵錢重一銖八參形製肖銅錢之小者



右大唐錢 馬令南唐書曰元宗鑄大唐通寶錢與唐國錢通用數年漸弊百姓盜鑄極為輕小余按此錢徑八分重二銖四參文曰大唐


通寶又有徑七分者字文相類豈當時盜鑄耶

[Faint bleed-through text from the reverse side of the page]

泉志卷之五

宋洪遵撰
錢譜卷之五

偽品下




右永平錢
五代史前蜀世家曰王建武成三年十二月大赦改明年元為永平
董道曰


也殆王建所鑄
余按此錢大小

輕重
以下五錢皆前蜀所鑄今世


甚多獨是錢未闕




右通正錢 五代史前蜀世家曰王建永平五年改元通正



右天漢錢 五代史前蜀世家曰王建通正元年十月大赦改明年元曰天漢國號漢




右光天錢 五代史前蜀世家曰王建天漢元年十二月大赦改明年元曰光元



右乾德錢 五代史前蜀世家曰王建卒子衍立明年改元乾德



右咸康錢 五代史前蜀世家曰王衍乾德七年改元曰咸康 李孝美曰按此五錢文皆王氏父子年號計當時所鑄並徑七分重五銖形製粗惡今世所存甚多 余按通正天漢光天乾德錢皆重三銖獨咸康錢重三銖三參




右廣政錢 五代史後蜀世家曰孟昶明德三年改元曰廣政 十國紀年後蜀史曰蜀主昶明德三年十二月丁亥申嚴錢禁明年改元廣政 余按此錢計當時所鑄徑九分重三銖銅質渾厚字八分書





右鐵錢 十國紀年後蜀史廣政二十五年以屯成既廣調度不足始鑄鐵錢 會鞏五朝隆

同字疑
當作日
字

平集同孟昶聞世宗下秦鳳愈不自安多積芻粟以鐵為錢禁民私用鐵而自鑿器用以專利民甚苦之



右乾亨錢五代史南漢世家曰梁貞明三年劉龔即位國號大越改元曰乾亨李孝美曰此錢文曰乾亨重寶徑七分重六銖疑當時所鑄余按此錢止重三銖六參



右鉛錢十國紀年漢史曰劉龔以國用不足鑄鉛錢十當銅錢一乾和後多聚銅錢城內用鉛城外用銅禁其出入犯者抵死俸祿非特恩不給銅錢余按鉛錢有二品輪郭鏤薄文曰乾亨重寶大者徑一寸重三銖九參重寶二字傳形小者徑九分重三銖六參余抵嶺外始獲此錢若銅錢今世所存至多




右軋封錢 五代史楚世家曰高郁諷馬殷鑄鉛鐵錢以十當銅錢一十國紀年楚史曰馬殷始鑄鉛錢行于城中城外即用銅錢賈人多銷鉛錢持過江北高郁請鑄鐵錢圍六寸文曰軋封泉寶以一當十錢既重厚市肆以券契指塚交易湖南故事曰馬殷置鐵冶鑄大錢可

六寸圍重非銖兩用九文為貫文曰軋封泉寶其文上軋其數上九遂通用焉 余按此錢徑寸七分重十七銖圍五寸半文曰軋封泉寶以銅為之而楚史湖南故事以為鐵錢豈當時鑄銅錢二種耶



天府策寶

右天策錢 五代史楚世家曰馬殷請依唐太宗故事開天策府梁太祖拜殷天策上將軍張台曰馬氏錢也 董道曰馬殷據湖南八州地建天策府因鑄天策府寶 余按此錢文曰天策府寶徑寸七分重三十銖二參銅質渾重字文明坦史氏失其傳張董之說當有所憑也



右吳越錢 十國紀年吳越史曰周顯德四年正月忠懿王俶始議鑄錢 余按十國紀年云晉開運三年忠獻王弘佐嘗議鑄鐵錢衙內都虞候弘億上疏以為不可王從之至忠懿王復議鑄錢則是錢制行矣



右鉛錢 十國紀年閩史曰王審知為閩王梁

貞明元年汀州寧化縣出鉛置鉛場二年鑄鉛錢與銅錢並行




右鐵錢 陶岳貨泉錄曰王審知鑄大鐵錢闊寸餘甚麤重亦以開元通寶為文仍以五百文為貫俗謂之銚効賀與銅錢並行



右永隆錢 五代史閩世家曰王延義立改元永隆鑄大鐵錢以一當十十國紀年閩史曰王延義永隆四年八月鑄永隆通寶大鐵錢一當鉛錢百 余按此錢徑寸四分重十銖二參文曰永隆通寶字文夷漫製作不精以銅為之五代史不載錢文十國史又遺銅品此錢計當


時所鑄



右天德錢 十國紀年閩史曰王延政天德二年鑄天德通寶大鐵錢一當百 董道曰建州王氏錢面文天德重寶背文穿上有殷字 余按王延政以建州建國稱殷故幕文為殷字通寶重寶之異亦當時鑄此二品耳





右大興錢 董道曰張台云馮洪所鑄



右土錢 五代史雜傳曰劉仁恭令燕人用槿王為錢悉斂銅錢鑿山而藏之已而殺工以滅口後人皆莫知其處 宋白續通典曰劉仁恭造泥錢號為山庫 陶岳貨泉錄曰劉仁恭下

令境内以泥為錢以膠泥固濟而鍛之太抵類
菴樣度麤鹵




右應天錢 董道曰幽州劉守光錢而文曰應
天元寶背文曰萬

泉志卷之六

宋洪遵撰

不知年代品上




右平當錢 徑九分重二銖肉郭夷坦當字湮
漫或云漢代所鑄




右四出錢 徑寸一分重三銖六參面背文皆四出字盡漫昧太泉五十本玉莽所鑄初無四出之就又有背文為北斗七星者此錢見多奇品





右太泉五銖錢 顧烜曰七種異錢今世見有張台曰在顧氏所見七種異錢之內大小輕重未聞六



右雙五五銖錢 徑八分重二銖四參五字連綴肉郭



右太泉錢





右左右五銖錢 余按此錢形製窳薄面文曰五銖肉漫好濶僅有輪郭背文亦曰五銖肉郭夷坦倒置其字徑寸重二銖三參又一品面文曰五銖幕文以五銖字上下之徑七分重二銖四參余按五銖沿漢迄隋因革不一品目尤夥文四出謂之角錢去肉郭謂之女錢狹小其制謂之稚錢二面無郭謂之白錢有反其文名傳形者有輪郭去盡名對文者有上下其字名奇品者以至赤側當兩鵝眼鷄目四柱兩柱之類

文皆五銖外建龜茲疎勒亦倣此制諸譜載之甚備獨此未之著滕子濟樞密嗜古嘗獲此錢號曰左右五銖錢計以意因之也




右太元貨泉錢 李孝美曰此錢徑七分半重四銖其文上曰太下曰元右曰貨左曰泉太元則真書貨泉則小篆形製不至佳



右通行貨泉錢 余按此錢徑八分半重二銖七參銅質簡古字含八分體背文穿上有月形



右兩銖錢 顧焯曰劉氏錢志所載奇異稀有原始未聞




右續銖錢 舊譜曰形製頗類五銖面文無好郭其文右曰續左曰銖



右兩柱錢 隋書食貨志曰梁末又有兩柱錢及鵝眼錢但兩柱重而鵝眼輕 余按隋志但云梁未有是二錢初不謂鑄于梁如鵝眼錢乃

宋景和中所鑄李孝美俱以為梁錢非也





右女錢 隋書食貨志曰梁武帝鑄五銖錢又別鑄除其肉郭謂之女錢二品並行百姓或私以古錢交易有五銖女錢太平百錢五銖稚錢五銖對文等號輕重不一天子頻下詔書非新鑄一種之錢並不許用 顧烜曰徑一寸重五銖文曰五銖無輪郭今京師及諸郡縣亦通用

焉 余按此錢謂之五銖女錢梁武新鑄亦曰女錢蓋梁之前已有女錢矣



右稚錢 隋書食貨志曰梁初古錢有五銖稚錢 顧烜曰徑八分半重四銖文曰五銖源流出於五銖但稍狹小今東境謂為稚錢三吳皆用之小者至徑六分重二銖半世有射雉戲用此錢也


右對文錢 隋書食貨志曰梁初古錢有五銖對文等號 顧烜曰對文錢剪五銖之所成也 民利古錢多銅剪鑿取其輪郭所餘甚輕小今世行之其源始未聞也



右五朱錢 顧烜曰徑七分半重三銖半文曰

五朱源出稚錢但稍遷異以銖為朱三吳屬縣行之亦差少 張台曰今所見朱字錢自有兩般字狹者有內郭字濶者狀如半兩自徑七分至五分無重三銖半者其輕有至五黍者近華山有人掘得數斗錢皆徑四分好亦二分已上 周迴皆無錯鑿處其文只有半王字仍未成就 此則五朱之漸也 余按此錢徑七分重三銖一參制作簡古銅質純青背文坦平外輪有緣 今世尚有之

按錢
文似
晚字



右定平錢 隋書食貨志曰梁武帝時百姓或
私以古錢交易有定平一百 顧烜曰徑六分
重一銖半文曰定平一百三吳屬縣行之 余
按此錢今世尚有之



右傳形半兩錢 宇文坦明背向皆無輪郭徑

八分重二銖一參

泉志卷六終

泉志卷六

泉志卷之七

宋洪遵撰

泉志卷之七

泉志卷之七



宋洪遵撰

不知年代品下



右太平錢 隋書食貨志曰梁武帝時百姓或私以古錢交易有太平百錢 顧烜曰太平四文錢三種並徑一寸重四銖源流本一但文字有今古之殊並曰太平百錢其小者至徑七八

分重一銖半文字不異 舊譜曰錢有三種大篆小篆隸書文皆曰太平百錢但字有古今形有大小又有水波文及龜背者見奇品余按此錢又有一種其字含篆隸體錢字漫滅徑九分重二銖七參




右兩齋錢 敦素曰此錢重四銖徑一寸三分微有外輪背面無好郭其文篆書右曰兩左曰

齋形質大抵似半兩制作古異源流莫知按禮記鄭玄注云八兩為鎰據其輕重非如其文然左邊之字不當為齋但未識耳 董道曰考字書無齋字又不與篆合按釋真觀書曰割愛辭親披綺剪髮乃知此自梵書中出其以齋為齋又省文也此錢疑在南梁北齊間 余按此錢今世所見者形質夷坦字文著明背面肉好皆無輪郭徑寸二分重四銖三參齋字與諸譜不同制度亦小今兩存之




右一文錢 敦素曰徑寸五分重七銖中穿正
 圓內外並無輪郭有如半兩之狀一面有字點
 畫甚纖利 李孝美曰此錢銅色純赤今世甚
 多流俗號為鑠子錢豈非以錢文類鑠形耶
 舊譜謂之一文審求其義了不可得然未知何
 所稽也 董道曰考古文此字為巨泉蓋圓錢


也




右四曲文錢 舊譜曰形製類半兩肉好無輪
 郭面有四曲文外向有二字右類文字左不可
 識



右永光錢 徐氏曰文曰永光



右五金錢 徐氏曰文曰五金 余按此錢徑八分重二銖六參字文明澈製作甚精




右太朝錢 李孝美曰此錢徑寸五分重十五銖其文真書曰太朝金合肉好背面皆有周郭

或云是外國鑄





右天鎮錢 李孝美曰此錢徑八分重四銖六黍文曰天鎮福寶背文有一黎字在穿上字體形製與石晉天福錢殊不相侔今世所見至多董道曰天福石晉年號當時所鑄自有天福鎮寶錢文見晉氏舊史 余按此錢面文湮沒存于今甚多董氏以為見之晉史今無其書可



考矣



右萬歲錢 李孝美曰此錢徑一寸二分重十三
銖面文繆篆曰皇帝萬歲背文繆篆曰忠孝傳
家肉好皆有





右大興錢 李孝美曰此錢徑八分重四銖
文曰大興平寶復有一丁字在背文窠上 余
按此錢今世至多背文丁字不常其處或在窠
上或在窠下




右大千錢 余按此錢徑八分重三銖六參文
曰大千通寶倒置通寶字千字疑當作平歲久
漫滅爾背文有一丁字在通字之背製作字體

肖大興平寶錢




右天感錢 余按此錢文曰天感元寶大小二品字畫道勁頃歲獲此尋逸之大小輕重莫詳疑外國所鑄




右古錢 李孝美曰此錢徑寸一分重十銖面

有兩字不可識肉好皆有周郭皆夷漫如準




右古文錢徑一寸重四銖五參背文夷漫面肉坦平微有輪郭頗類圜法




右三字錢徑寸一分重三銖三參面背肉形皆

平外無周郭製作簡古字畫夷漫巨辨亦圓法別種也



右千字錢 李孝美曰此錢徑寸六分重十銖面文右邊有一千字體如遼錢疑其同出而未得依據肉好皆有周郭背文亦如牛兩



右太興錢 董道曰文曰太興平寶疑五代僭偽之所鑄



右黃河錢 舊唐書曰元和元年靈武李樂奏黃河岸塌處得古錢三千三百其錢形小方孔三足

三五

漢所製泉貨皆古錢三年二帝其後漢亦少大
漢所製泉貨皆古錢三年二帝其後漢亦少大
漢所製泉貨皆古錢三年二帝其後漢亦少大
漢所製泉貨皆古錢三年二帝其後漢亦少大



泉志卷第八

宋洪遵撰泉貨辨曰凡泉貨之類皆由

天品



右天帝錢 宗慄荆楚歲時記曰道書云牽牛

娶織女天帝借二萬錢下禮久不還被驅在營

室中 晉書天文志曰北落師門西北有十星

曰天錢晉書天文志曰北極明門西出於十星

漢書天文志曰北極明門西出於十星



右寶錢 頂生經曰其王是漫陁多王頂上而

生後為輪王以福力故天雨寶錢滿國皆富




右咸陽錢 任昉述異記曰周成王時咸陽雨錢終日不絕



右金五銖錢 任昉述異記曰漢世潁川民家

雨金五銖錢



右五銖錢 任昉述異志曰王莽時未央宮中

雨五銖錢既而至地悉為龜兒

泉志卷八

泉志卷八

泉志卷之八

泉志卷八

兩正... 古五...




兩金... 古金...



泉志卷之九

宋洪遵撰

刀布品



右白金三品 前漢書食貨志曰武帝又造銀

錫白金如淳曰雜鑄銀錫為白金以為天用莫如龍地用莫

如馬人用莫如龜故白金三品其一曰重八兩

其文龍名曰撰直二千二曰以重差小方之其

馬直五百晉灼曰以半斤之重善為三品三曰

復小楮之其文龜直三百師古曰楮園而後既

盜鑄多又鑄赤仄錢白金稍賤民弗寶用縣官

以令禁之無益歲餘終廢不行 張湯傳曰山

東水旱貧民流徙皆印給縣官空虛湯承上指

按食貨志曰字作白

又按其馬之間脫文

又按小註善字作差北


按張湯傳印作印縣官下又有縣官二字

請造白金五銖錢籠天下鹽鐵 史記索隱曰

白金三品其一龍文隱起肉好皆圓又作雲霞

之象其二肉好皆方隱起馬形在好之下又有


連珠文者其三肉圓好方皆為隱起龜甲文




右契刀 前漢食貨志曰王莽造契刀其環如

大錢身形如刀長二寸文曰契刀五百 荀悅

漢紀曰居攝二年夏四月更造契刀一直五百與五銖並行。張晏曰其文左曰契右曰刀無五百字也。顧烜曰契刀五百非勒刀為此四字刀上但有契刀二字而直五百。張台曰台有此錢但薄下錯刀柄上文曰五百張顧二說並未見有柄者其文鋪成若錯刀之陷金也。李孝美曰嘗得此錢其形製正如張台所說但其文鑄成非陷金也且食貨志自云錯刀以黃金錯其文則此非陷金明矣。



右漢刀。前漢食貨志曰王莽以黃金錯其文曰一刀直五千。荀悅漢紀曰居攝二年夏四月更造錯刀一直五千與五銖並行。張晏曰刻之作字以黃金填其文上曰一下曰刀。張台曰台有此錢如此圖樣。李孝美曰此錢今世猶多或有無刀者。




右十布 前漢書食貨志曰王莽鑄大布次布
 第布壯布中布差布厚布幼布幺布小布小布
 長寸五分重十五銖文曰小布直一百自小布
 以上各相長一分相重一銖文各為其布名直
 各加一百上至大布長二寸四分重一兩而直
 千錢矣是為布貨十品

泉志卷九

志貨
當作
貨志


右貨布 前漢食志貨曰王莽天鳳元年罷大小錢改作貨布長二十五分廣一寸首長八分有奇廣八分其圓好徑二分半足枝長八分間廣二分其支右曰貨左曰布重二十五銖直貨泉二十五與貨泉見衡品並行 張台曰此布如今最多而易得以今尺量之得寸九分 顧烜曰莽所作錢布皆用銅淆以連錫



右大黃布刀 舊譜曰重七銖長二寸三分文曰大黃布刀 張台曰此亦王莽所鑄文曰大黃布刀莽自言黃虞之後又改平帝定安太后為黃室主即大黃莽之自稱也意者豈非莽之初謂刀布一物後分為二耶 李孝美曰按此製作切類貨布但足外差廣銅色稍赤耳食貨志與莽傳皆所不載 余按此布今世所存尚


但疑當
作但

多




右古刀布 管子曰先王用珠玉為上幣黃金為中幣刀布為下幣 李孝美曰按先王刀布文字制度書所不載然今世所有古刀異布甚多豈非當時所用者乎舊譜別作品俱列于后

十字
疑當
作七




右蒙城古刀 宣和五年郭僕為亳州蒙城令村人得之田中柄端有方寸十字彷彿隸書背有方孔不透身形如刀文曰貨布五百疑王莽所鑄



右長平古刀 舊譜曰天寶元年西河郡別駕李幼奇於長平溪澗中所得狀如小刀長二寸四分濶五分柄長二寸濶四分柄端有孔總長四寸七分背面俱有字不可識

字疑
當作





右沂州銀刀 嘉祐雜誌曰王公和學士罷沂州得銀刀一有齊大公杏九字九字中闕不相屬刀上又有隱起圓形疑是九府圓法也

者疑
當作

久字疑
當作

右長平異布 舊譜曰亦幼奇所得也長寸二分下廣九分者長五寸廣五分向上漸濶無好足枝長四分間廣三分面久兩字類科斗書皆有三道文不可識




西疑
當作

右異布 舊譜曰長四寸一分上廣寸二分下
廣寸五分首長六分廣寸好徑五分足枝長寸
二分間廣四分重十二銖狀如貨布面文西字
背文兩字不可識 李孝美曰按所見古布多
矣唯此一品極大而形製特與大黃布刀相似
舊譜以謂狀如貨泉有所未盡




內疑
當作

右異布 舊譜曰長二寸六分首廣寸六分內
好無輪郭其有亦訛足間正圓面文六字背文
一字不可識




誅疑
當作

右異布 舊譜曰長二寸四分上廣寸五分下
廣寸七分首廣六分足間廣八分重八銖四傍



有郭訛然亦無好面文七字縱橫不可識




右異布 舊譜曰長二寸四分上廣寸五分下

廣寸三分首廣六分足間廣五分重八銖無好

及肉郭面文六字不可識 李孝美曰按此與


已上二布文字舊譜皆闕



右異布 舊譜曰長寸八分肩廣寸下廣寸一

分足間廣五分正圓無好及周郭重十二銖面

文五字不可識





右異布 舊譜曰長寸七分肩廣寸足間廣六


分有好形製與上布相類面文三字其左邊一

字與中心一字亦類上布右邊及中心字而倒



正不同亦有無好者




右異布二品 舊譜曰長短廣狹與上二布相似文字



右異布 張台曰長寸七分半肩廣八分足間二分有肉郭面文兩字




右異布 張台曰長寸六分肩廣八分首廣五分足間廣二分重六銖背面然一字面文如日下安又字又兩畫長短不齊背文如了傍加豎斜畫與上布皆于寶鼎尉王鑄處見之



右異布 張台曰長二寸一分肩廣寸二分首


廣九分足枝長六分間廣四分半重二十八銖
面文四字有如「」字者金邊安瓜者山下安中
者兩口相重者背文一字與面文右邊向上者
同形質朴厚不曾磨鑿於檢校膳部李泳處見
之




右異布 李孝美曰按此布長短廣狹輕重與
上布相類面文六字亦同但倒正相異復無背

例字
疑當
倒

文耳 余按此布自柄端例讀其文曰安陽之
吉貨




右異布 李孝美曰按此布長二寸上廣寸二
分下廣寸三分首長七分廣七分足間廣五分
正圓背面肉好皆有周郭面文六字亦不可識




有字
疑當
作右


有異布 余按此布長二寸肩廣四分首廣六分半足枝長五分間廣四分半重十三銖八參正圓背面肉好皆有周郭面文四字



右異布 余按此布長二寸二分肩廣四分半首廣八分足枝長五分半間廣如之正圓重十六銖七參面文不可識




右藕心錢 舊譜曰世有此錢其形四方狀如博棊長二寸面濶三分當四稜皆上下通闕若藕挺中破狀其上有首形如秤槌鼻有孔號為藕心錢



右蟻鼻錢 舊譜曰此錢其形上狹下廣背平

泉志卷之九
面凸起長七分下潤三分上銳處可潤一分重
十二銖面有文如刻鏤不類字世謂之蟻鼻錢




右舊譜曰咸通八年死海觀察鄭漢章奏百姓
於野內掘得古銅片四千九百五十五片詔翰
林驗云上有齊歸化二字按其形製及文篆外
莫之觀亦古布流也

泉志卷之九

泉志卷之十

宋洪遵撰 明徐象梅校并圖篆

外國品上



右罽賓國錢 前漢西域傳曰罽賓國以金銀
為錢文為騎馬幕為人面 張晏曰錢文面作
騎馬形漫作人面也 北史西域傳曰罽賓

國市用錢


泉志卷十



右烏弋山離國錢 前漢西域傳曰烏弋山離國錢貨與罽賓同獨文為人頭幕為騎馬



右安息國錢 史記大宛傳曰安息國以銀為錢錢如其王面王死輒更鑄效王面焉 前漢西域傳曰安息國以銀為錢文為王面幕為夫人面王死輒更鑄 余按外國錢文為王面若夫人面多矣而安息國司馬史但云錢如王面班史以為面文為王幕文為夫人二史所載若此姑以司馬氏之說圖之



泉志卷十


二

右大月氏國錢 前漢西域傳曰安息國以銀
為錢文為王面幕為夫人面王死輒更鑄錢大
月氏國錢貨與安息同




右泥婆羅國錢 舊唐書西域傳曰泥婆羅國
以銅為錢面文為人背文為馬牛不穿孔新
唐書西域傳曰泥婆羅國鑄銅為錢面文人形

背牛馬形





右何國錢 徐氏曰以銀為之徑寸五釐不開
孔面為人面背為草木狀




右康國錢 徐氏曰以銀為之徑九分不開孔
背面皆作人面而背文正面文繞以連
珠之狀 舊唐書西戎傳曰康國生子必以膠
置掌內欲其成長掌中持錢如膠之黏物

右拔汗國錢 徐氏曰以金為之徑七分五厘
無文字又一種有三旋文並不開孔



右條支國錢 樂史太平寰宇記曰條支國市
列錢貨其錢獨文為人幕為騎馬



右拂菻國錢 神宗國史曰拂菻國歷代朝貢
不至熙寧四年其王滅伊靈改撒始來貢交易

泉志卷十
四
為金銀錢無孔面鑿彌勒佛背國主名



右大食國錢

廣州記曰生金出大食國彼方

出金最多凡諸貨易並使金錢國朝會要曰

大中祥符九年十一月大食國以金錢銀錢各

千文入貢余按此錢以金為之面文象形形

製甚小余至南海嘗見之

泉志卷之十

